

Ite est s'isportellu de sa Limba Sarda?



S'operadore de s'isportellu de sa limba sarda traballat pro promòvere su manìgiu de sa limba sarda in s'Amministrazione pùblica e in sa comunidade.

Comente?

1. Comùnicat cun su pùblicu:

- S'operadore est a disponimentu de tzitadinos, maistros de iscola, professores e istudentes pro cale si siat informatzione, duda, fundamentu, bibliografia e àteras curiosidades in contu de limba sarda, pro consulèntzias didàticas e pro consìgios chi pertocant is règulas de iscritura de su sardu;
- Ritzit su pùblicu in s'ufitziu de sa limba sarda in is dies e in is oràrius chi aberit s'isportellu, cunforma a is oràrius chi sighint is ufìtzios comunales;

- Si podet comunicare cun s'isportellu a mesu de posta eletrònica mandende una punta de billetu a s'indiritzu: tatianafrau@libero.it

- Podet aprontare unu blog cun totu is fainas de s'isportellu o ddas podet publicare in su giassu istituzionale de su Comune.

2. Faghet furriaduras in sardu:

- S'operadore est a disponimentu pro sa furriadura in sardu de is documentos pùblicos e pro agiudare is tzitadinos in sa furriadura de iscritos privados;

- S'operadore est a disponimentu de s'Amministatzione pùblica pro furriaduras chi serbint pro su giassu Internet, atos pùblicos (Istatutu, regulamentos, delìberas, detèrminas, ordinàntzias, notas, comunicatziones istituzionales, circolares...), ma fintzas avisos, cartellos e targas, brochures e àteru pro sa comunidade;

- In prus dat agiudu e consulèntzia in sa furriadura de iscritos e in sa revisione issoro (circas, contos, poesias, istùdios e cale si siat àteru traballu in sardu).

3. àteras fainas:

S'operadore circat de promòvere su manìgiu de sa limba sarda e de ispainare sa conoschèntzia cosa sua pro mesu de:

- Paperis informativos de comunicatzione istituzionale (Novas, Vademecum, brochures...)

- Paperes informativos in contu de limba sarda (règulas, leges, conoschèntzias istòricas e culturales...)

- Cursos de limba sarda;

- Si ponet comente a intermediàriu intro de su comune e is ufìtzios de sa limba sarda

CURSU DE LINGUA SARDA

provinciales e regionales, promovende is fainas issoro in sa comunidade innue traballat.

- Podet propònere progetos pro promòvere su manìgiu de sa limba sarda in sa comunidade.

- S'isportellu podet èssere fintzas:

✓ promovidore de fainas de interessu pro sa comunidade cun atividades cun is pipios, is giòvanos, cun mammas e babbos, atividades cun sa gente manna e is bècios puru;